

**JAVNA USTANOVA SREDNJOŠKOLSKI CENTAR „NEDŽAD
IBRIŠIMOVIĆ“ ILIJAŠ**

PRAVILNIK
o korišćenju školskih prostorija

Na osnovu člana 108., a u vezi sa članom 128. Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj 27/24), odredbi Pravila Škole, odredbi Pravilnika o vlastitim javnim prihodima Javne ustanove Srednjoškolski centar „Nedžad Ibrišimović“ Ilijaš broj: 06-10-1-933/24 od 03.04.2024. godine, Školski odbor Javne ustanove Srednjoškolski centar „Nedžad Ibrišimović“ Ilijaš, na sjednici održanoj 16.12.2024. godine donosi

P R A V I L N I K

o korištenju školskih prostorija

Član 1.

Ovim Pravilnikom utvrđuju se uvjeti, kriteriji i postupak pod kojima Javna ustanova Srednjoškolski centar „Nedžad Ibrišimović“ Ilijaš (u daljnjem tekstu: Škola), može davati drugim pravnim i fizičkim licima (u daljnjem tekstu: Korisnik) na korištenje školsku sportsku dvoranu te ostale školske prostore i opremu.

Član 2.

Škola može dati na korištenje prostore i opremu pod uvjetom da se:

- ne ometa redovno odvijanje nastave i ostvarivanje nastavnog plana i programa i vannastavnih aktivnosti, u skladu sa godišnjim programom rada škole,
- naknada za korištenje naplaćuje svaki mjesec na žiro-račun škole,
- vodi odgovarajuća evidencija o zaključivanju ugovora o davanju na korištenje, te propisana knjigovodstvena evidencija.

Član 3.

Pri davanju na korištenje školskih sportskih dvorana, te ostalog prostora i opreme prednost imaju programi za djecu i mlade.

Član 4.

Škola ni na koji način ne snosi odgovornost za ozljede nastale pri neovlaštenom, nedozvoljenom, nepravilnom ili nestručnom korištenju sprava i opreme koja je sastavni dio dvorane i ostalog prostora Škole, te ozljede nastale vlastitom krivicom.

Upotreba gimnastičkih i ostalih sprava posebno se naznačuje u ugovoru o korištenju dvorane. Korisnik dvorane i ostalog prostora Škole ne smije svoje ugovorne termine ustupiti drugim korisnicima, niti koristiti dvoranu i ostali prostor u druge svrhe koje nisu prethodno ugovorene.

Član 5.

Nastala oštećenja prilikom korištenja dvorane i ostalog prostora Škole koje korisnici uzrokuju, korisnici su dužni ispraviti, tj. nadoknaditi nastalu štetu u roku od 15 dana od nastanka oštećenja.

Član 6.

Korisnici podnose zahtjev za korištenje školskih prostorija.

Zahtjev sadrži:

- Naziv/ime podnosioca zahtjeva,
- Ovjerenu kopiju Rješenja o registraciji udruženja, dokaz o id broju,
- Lice ovlašteno za zastupanje pravnog lica,
- Vremenski period korištenja školskih prostorija,
- Željeni termin korištenja,

- Kontakt telefon.

Član 7.

Direktor utvrđuje raspored korištenja školskih prostorija.

Član 8.

Korisnik termina može da koristi zakupljeni prostor samo ako je izmirio sve finansijske obaveze prema Školi, koje su dospjele na plaćanje. Korisniku termina koji se ugovorom obavezao na korištenje termina u određenom periodu, naplatiti će se i oni termini koje ne održi, osim iz opravdanih razloga poput više sile.

Član 9.

Javna ustanova Srednjoškolski centar „Nedžad Ibrišimović“ Ilijaš koja upravlja školskim prostorijama će sa korisnicima zaključiti Ugovor o korištenju.

Član 10.

Ugovor o korištenju školskih prostorija treba da sadrži:

- podatke o korisniku,
- vremenski period korištenja,
- tačan termin korištenja,
- visina naknade za korištenje školskih prostorija po satu korištenja,
- obaveze korisnika u smislu poštivanja kućnog reda, održavanja i čuvanja prostorija i inventara,
- materijalna odgovornost za štetu nastalu prilikom korištenja školskih prostorija,
- brojnost grupe koja koristi termin, nadležnost i odgovornost lica koje je kao predstavnik škole odgovorno za primopredaju školskih prostorija,
- trajanje ugovora,
- uvjete ili okolnosti za raskid ugovora,
- druga prava i obaveze potpisnika ugovora.

Član 11.

Ugovor se potpisuje na period u maksimalnom trajanju do kraja tekuće školske godine. Za obnavljanje ugovora neophodno je da korisnik ponovo dostavi molbu/zahtjev Školi.

Član 12.

Saradnja između ugovornih strana bazirana je na dogovoru i mogućnostima obje ugovorne strane, a zasnivati će se na međusobnoj komunikaciji, koordinaciji zajedničkih aktivnosti, te principima partnerstva, konsenzusa, transparentnosti, odgovornosti, obostranog interesa i autonomije obje ugovorne strane.

Član 13.

Prilikom davanja na korištenje školskih prostorija, Javna ustanova Srednjoškolski centar „Nedžad Ibrišimović“ Ilijaš se obavezuje:

- da školske prostorije kojim upravlja, daje na korištenje,
- školske prostorije daje na korištenje sa naknadom,
- školske prostorije daje na korištenje sa raspoloživim kapacitetima i prema utvrđenom rasporedu,
- da obezbijedi neometano korištenje školskih prostorija, bez bilo kakvog uznemiravanja od njene strane ili bilo koje druge osobe koja istupa u ime i za račun škole,
- da odredi kontakt osobu za koordinaciju i realizaciju saradnje.

Član 14.

Škola ima pravo da:

- otkáže ili promijeni termin o čemu je dužna obavijestiti korisnika, najkasnije u roku od 24h prije održavanja termina,
- udalji iz školskih prostorija korisnike koji se ne pridržavaju kućnog reda i ometaju rad zaposlenih u školi,
- udalji iz školskih prostorija korisnike koji samovoljno i bez opravdanog razloga produžavaju termin.

Član 15.

Korisnik školskih prostorija se obavezuje da:

- da prilikom korištenja školskih prostorija postupi sa pažnjom dobrog domaćina, te da poštuje principe savjesnosti i poštenja, zabrane zloupotrebe prava, rješavanja sporova na miran način, te da se uzdrži od postupaka kojim se može prouzrokovati šteta,
- održava red i čuva imovinu prilikom korištenja školskih prostorija,
- da sve aktivnosti unutar škole provodi u skladu sa pozitivnim zakonskim propisima,
- da odredi kontakt osobu za koordinaciju i realizaciju saradnje.

Član 16.

Termini korištenja školskih prostorija od strane korisnika ne smiju narušavati redovni nastavni proces i vannastavne aktivnosti učenika. Školske prostorije mogu se koristiti do 22:00h, a mogu se u opravdanim slučajevima produžiti od strane direktora škole.

Član 17.

Školski odbor Javne ustanove Srednjoškolski centar „Nedžad Ibrišimović“ Ilijaš na kraju kalendarske godine donosi odluku o visini naknade za korištenje školskih prostorija za narednu godinu. Visinu naknade Školski odbor može iz opravdanih razloga promijeniti u toku godine.

Član 18.

Obje ugovorne strane zadržavaju pravo da ugovor raskinu ako druga strana učini težu povredu ugovora ili prekrši pravila dobrih poslovnih običaja. U slučaju da jedna strana želi da raskine ugovor, o svojoj namjeri mora obavijestiti drugu ugovornu stranu.

Član 19.

Prihodi koje Škola ostvari na ovakav način uplaćuju se u skladu sa pravilnikom o načinu uplate javnih prihoda budžeta i vanbudžetskih fondova na teritoriji Federacije BiH i prihodi su škole koja je prihod ostvarila.

Član 20.

Iznimno, uz prethodnu saglasnost Školskog odbora, Škola može sportsku dvoranu te ostali prostor i opremu dati na korištenje bez plaćanja naknade za organiziranje humanitarnih akcija.

Član 21.

Ovaj Pravilnik stupa na snagu danom objave na oglasnoj ploči.

Broj:06-10-1-3859/24

Ilijaš, 16.12.2024.

Predsjednik školskog odbora

Admir Džanko, prof.